

6. oktober 2008

Inatsisartut suleriariusianni § 36, imm. 1 naapertorlugu Naalakkersuisunut apeqqutit imaattut matumuuna saqqiummiuppakka:

- 1. 1992-mili Nunatta Takornariartitsinermut Siunnersuisooqatigiivisa – maanna GTE-usup - pilersinneqarneranit nunaqavissut qassit takornariaqarnermik inuussutissarsiuteqalersimappat?**
- 2. Nunaqarfiit qassit takornariaqarnerup inuussutissarsiutigineqarsinnaaneramik paasisiniutigineqaranut periarfissinneqarsimappat?**
- 3. Sooq Vestnordic Travel Mart maanna nunatsinnit ingerlanneqartussanngortillugu Danmarkiinnarmi ingerlanneqartalerpa?**
- 4. Kingullermik VNTM-qarnerani kalaallit qassit peqataappat?**
- 5. Takornariaqarnerup inuussutissarsiutigineri Naalakkersuisunit qanoq isiornikkut nukittorsarniarneqarpa? Nukittorsarniarneqarpat qanoq, nukittorsarniarneqanngippat sooq?**
- 6. Qimussiussisartut, angallassisartut, guidit, unnuisitsisartut, kaffisortitsisartut, outfitterit, takornarialerisartut, neriniartarfinni akunnittarfinnilu sullissisartunut pikkorissartarfimmik ilinniarfimmillu kalaallinut siunertaqartinneqartumik Naalakkersuisut pilersitsilersaapat?**
- 7. Takornariaqarnermi sullissinissap kajuminnartunngortinniarneqarneranut naalakkersuisut qanoq iliuseqalersaapat?**

Tunngavilersuut:

Isumaqarpunga takornariaqarnerup inuussutissarsiutiginerani nunaqavissut tupigusunnaannartumik ikittuinnaat peqataatinneqartut. Nunatsinni aningaasarsiornerup ineriartortinneqarnerani amerlasuutigut peqataatitsinerunikkut pitsaap tungaanut ingerlasoqarsinnaavoq, soorlu; nunaqavissut annerusumik peqataatinnerisigut, siunnerfeqartumik inerisaanikkut, nunaqavissut takornariaqarnerikkut kiffartuussinermi saqqumilaartinneqarnerisigut sullissinermilu peqataatilluinnarnerisigut. Nunatta sullittussat tamaasa pisariaqartippai angallassisartutigut, kiffartuussisutigit assigisaatigullu.

Ikinngutinnersumik inuulluaqqusillunga

Aleqa Hammond
Siumut